

# 1 San Pedro

---

## Jesu gaji macari wanirãre gojabeoñumi Pedro

**1** <sup>1</sup>Yũhu Pedro Jesucristo ïgu buhedore apidigu ta ãhraa. Eropigu mũare yoaro maja macarigue wanirãre, Ponto yebague wanirãre, Galacia yebague, Capadocia yebague, Asia yebague, Bitinia yebague wanirã sãre mũare áripehrerãre gojabeogu iiaa yũhu. Mũare òadore gojabeoa yũhu. <sup>2</sup>Negohraguere Goãmũ mari Pagu “Òpa iigũra,” ïgu arĩdiro dopa ta mũare beyeru. ïgu beyera pũhũ ïgu Espĩritu Santo mera mũare Goãmũ yarã árimorãre acuru. Òpa ta acuru ïgu Jesucristore òaro yũhrimorã mũa arĩboro dopa. ïgu di cóaro mera ñerire coenirã mũa arĩboro dopa iipu. Eropirã Goãmũ ïgu mahiri mera òaro áriqũe mũa.

## Jesu yarã árirã marire umarogue ïgu aigãborore corerã iiaa mari, arĩ gojañumi Pedro

<sup>3-5</sup>Goãmũ marire turaro mojomoro ïagu, Jesucristo siridigu ïgu masa mũriaro mera marire òarã gohrotocũ iimi. Eropa iigu ïgu gohrotori mera Goãmũ porã ta wahaã mari. Eropa warã ïgu mera eropa mari òaro árinigũicãborore òaro masia mari. Eropigu mũare ïgu òari opaburire odiagu mũare coregu iimi. Iri mũare ïgu oburi ne pehreesome. Eropigu ïgũre mũa umupeorãre Goãmũ ïgu turari mera mũare ihadibugu, taricũ iigũcumi. Pehrerinũ áricũ mũare ïgu taurare masicũ iigũcumi ïgu. Eropirã ïgu marire òaro mojomoro ïacũ ïarã, ïgũre Goãmũre mari Opũ Jesucristo Pagure “Òagu, turagu ãhrimi,” arĩ umupeoro gahmea marire.

<sup>6</sup>Eropa ïgu taumorã árirã bũrigã mucubiro gahmea. Mero i yeba mũa arĩropẽ, bajasuburi mũa ñero tariquererã ta bũrigã mucubiro gahmea. <sup>7</sup>Eropa ñero tariquererã ta Goãmũre cóãbirã mũa árirã “Queoro Jesucristore umupeoa gũa,” arĩmasia mũa ïgũre. Mũa ñero tariquererã Jesucristore umupeonigũicũ mũa umupeoripu yuju diaye áribea. Eropigu mũa ñero taricũ ïagu “¿Árĩro ta mũa yũre umupeori?” arĩ queoñagu iimi Goãmũ mũare. Mũa eropa ñero tarirã diaye ta Cristore òaro umupeonigũicũ “Òaro iiaabũ mũa,” arĩgũcumi Cristo mũare. Eropigu Jesucristo dujarigu mũa ïgũre òaro umupeonigũinirãre òaro ïagũcumi mucubiriri mera.

<sup>8</sup>Īgure Jesucristore ĩabiriquererā mahia m̄ua. Eropirā dohpaguere ĩgure ĩabiriquererā ta ĩgure “Diaye ta iigu āhrimi,” arī umupeoa. Eropa umupeorā turaro mucubiria m̄ua. M̄ua eropa mucubirirā m̄ua Goām̄u pohro mucubiriboro dopa ta mucubiria. M̄uare eropa mucubiricū iimi Goām̄u. Eropirā turaro mucubiria. <sup>9</sup>Eropigu Goām̄u m̄uare peamegue wabonirāre taricū iigucumi m̄ua ĩgure ōaro umupeoro mera.

<sup>10</sup>Goām̄u ĩgu masare eropa tauborore iribojegue Goām̄u yare werem̄htanirā irire masidiarā serēpi ĩam̄riñuma. <sup>11</sup>Cristo ĩgu ñero tariborore, ĩgu s̄iridigu masa m̄uriaborore, ár̄ipehrerā tauro opu ĩgu ár̄iborore erā ero coregue ta werem̄htañuma. Jesucristo ĩgu Esp̄iritu Santo ĩgu itamuri mera eropa wereñuma erā. Erā eropa werem̄htaquererā erā wererare masibiriñuma. Eropirā erā wererare ōaro masidiarā serēpi ĩam̄riñuma erā Goām̄ure. <sup>12</sup>Iri erā werera Jesucristo ariburi erā ya ár̄iburi ár̄ibiriyoro. Mari ōaro ár̄iburi ár̄iyoro. Irire erāre masicū iĩnumi Goām̄u. Eropirā dohpaguere umarogue obeodigu Esp̄iritu Santo ĩgu itamuri mera ōari buherire m̄uare ḡua werea. Iribojegue m̄ua ya ár̄iburire erā werem̄htara iri ta ár̄icāro tiiaa dohpaguere ḡua m̄uare wereri. Iri buherire anyua s̄a b̄urigā masidiariñuma.

### **Goām̄u marire ñeri marirā ár̄idoremi, arī gojañumi Pedro**

<sup>13</sup>Eropirā ōarire guña masi ár̄iyuque m̄ua. Eropirā guhyadiaro ár̄ique. Cristo ĩgu dujaricū Goām̄u m̄uare ĩgu ōaro tauborore guñaque. Eropirā irire ōaro mucubirim̄htarā coreque. <sup>14</sup>Iribojegue Goām̄ure masinibirāgue ñerire uaribejarā ár̄im̄rinirā ár̄irib̄u m̄ua. Dohpaguere irire iibiricāque. Eropirā majirā erā pagu sumarāre ōaro yuhriro dopa ta Goām̄ure ōaro yuhrique daja. <sup>15</sup>Eropirā ĩgu yarā ár̄im̄orāre m̄uare sihubeodigu ñeri marigu ĩgu ár̄iro dopa ta m̄ua s̄a ñeri marirā ta ár̄ique. Eropirā ōari dihtare iirā ár̄ique. <sup>16</sup>Eropa ta arī gojañuma Goām̄u yare erā gojarapūgue: “Ñeri marigu āhraa yuh̄u. Yu eropa ár̄icū m̄ua s̄a ñeri marirā ár̄ique,” arīmi Goām̄u, arī gojañuma.

<sup>17</sup>Īgu Goām̄u mari Pagu yujurāyeri ár̄ipehrerā erā iirare ĩagu yujuro mera beyemi ĩgu erāre. Īgu eropiigu ár̄icū ĩgure “Ah̄u,” ar̄idiarā ōaro iiquenerire uaribejarā ár̄im̄urine. I yeba m̄ua ár̄iropē guhyadiaro mera ōaro iique m̄ua. <sup>18</sup>M̄ua ñecu sumarā m̄ura erā ár̄iric̄uri ne duhpiburi ár̄ibiriyoro. M̄ua s̄a erā iidiro dopa ta iinirā m̄ua ár̄iquerecū ta Cristo m̄uare ĩgu yarā ár̄im̄orāre iimi. Mari wajamorire ĩgu wajayebasaboro dopa ta mari ñeri iirare c̄ad̄ijiborore mari ñeri iira dipuwajare wajayebasami. Irire ōaro masia m̄ua. Eropa wajayebasagu ĩgu niyeru mera, oro mera wajayebasabirimi. Niyeru, oro s̄a dederea waroca. <sup>19</sup>Īgu di cóāra mera ta wajayebasami mari ñeri iira dipuwajare. Ovejagā erā Goām̄ure obodigu ōagu ĩgu ár̄idiro dopa ta Jesucristo ōagu ñeri marigu ár̄idigu arīmi. <sup>20</sup>Iribojeguere i yebare ĩgu ĩhac̄unuguboro coregue Jesucristo ĩgu eropa waborore masituhap̄u mari Pagu Goām̄u. Dohpaguep̄ure pehrerin̄u coregā ár̄icū, Cristo s̄iribasami m̄uare m̄ua ya ár̄iburire. <sup>21</sup>Eropirā Jesucristo ĩgu itamuro mera Goām̄ure umupeoa m̄ua. Goām̄up̄u Cristore s̄iridigure masudigu arīmi. Eropigu ĩgure umarogue apigu,

árípehreräre ïgure umupeocũ iipũ mari Pagũ. Ìgũ eropiicũ ïgure mari Pagure “Diaye ta ïgũ àhrimi,” arí umupeoa mũa. Mũa eropa umupeocũ òaro iimi mũare. Eropirã mũa ïgũ mera òaro áríniguiborore òaro masia mũa.

<sup>22</sup> Òari buherire diaye majare yũhrirã mũa ñerire duhunirã àhraa mũa. Eropa árírã, diaye ta mari acawererã Jesu yaräre mahi umupeomasia mũa. Eropirã mũa mera majaräre mũa sïporãri mera turaro mahi umupeoque. <sup>23</sup> Mũa dipaturi masa dehyoaro dopa ta Goãmũ porã wahabũ mũa. Mari pagũ sũmarã mera masa dehyoanirã árírã, pũhrũ sïria warãca. Iri iro dopa áríbeaa Goãmũ porã mũa wacũ. Goãmũ mera áríniguiçãrãca. Goãmũ ïgũ buheri mera ïgũ porã wahabũ mũa. Iri buheri pehrebiriburi buheri marire Goãmũ mera eropa áríniguiçũ iiaa. <sup>24</sup> Òpa àhraa Goãmũ yare erã gojarapũ:

Árípehrerã masa taa iro dopa wahama. Eropiro òari erã opari sã gori iro dopa àhraa. Taa masa, sïria wahaa. Gori sã masa, sïria wahaa.

Iri taa iro dopa ta mari masa sã wahaa. <sup>25</sup> Mari Opũ ya buheripũ ne pehresome. Ìgũ arídiro dopa ta eropa waroca, arí gojañuma. Iri buheri mũare erã werera òari buheri ta Jesucristo marire tauburi buheri ta àhraa.

**2** <sup>1</sup> Eropirã árípehreri ñeri iirire, erã pũrũpũ erã ñero ii corerire, gajirã gajinore opacũ ïhaturirire, gajirã ñeri quere moarire, irire duhuque mũa. <sup>2-3</sup> Mari Opũ mũare òaro ïgũ iirire dabero masituhaa mũa. Eropirã ne masa dehyoarãgã apícore erã gamero dopa ta mũa sã òari buherire Goãmũ yare turaro gameque. Eropa ïgũ yare gamerã mũa ïgure mũa guñaturanemorãca. Ìgũ yarã òaro pee masirã árírãca.

#### **Cristo ojocaricũ ïgũ utãye iro dopa árĩgũ àhrimi, arí gojañumi Pedro**

<sup>4</sup> Cristo ojocaricũ ïgũ utãye iro dopa árĩgũ àhrimi. Masa Cristore gamebirima. Erã gamebiriqerrecũ Goãmũpũ ïgũ Pagũpũ ïgure beyedigũ árĩmi. Òatariagũ àhrimi. Ìgũ eropa árĩgũ árĩcũ ïgure gameque. <sup>5</sup> Eropirã mũa Jesu yarã árírã mera Goãmũ àhrimi. Eropirã yujuro mera ïgũ yare òaro iirã árĩque mũa. Ìgũ ya árĩburire mũa iimorãre beyedigũ árĩmi. Eropirã mũa Jesucristo itamuri mera ïgũ yare òaro iirã ïgũ Goãmũre mucubiricũ iiaa. <sup>6</sup> Òpa àhraa Jesucristore Goãmũ yare erã gojarapũ:

Cristo utãye iro dopa yũ beyedigũ àhrimi. Eropigũ òatariagũ àhrimi. Ìgũ mariro yaharã wamasibeama. Eropigũ ïgure Jerusaléngue dohpague apigũ iiaa. Ìgũ masare òaro árĩcũ ïgũcumi. Eropirã ïgure umupeorã mucubiriniguirãcoma, arĩmi Goãmũ, arí gojañuma Goãmũ yare weremũhtanirãgue.

<sup>7</sup> Ìgure umupeorãpũ “Òatariagũ àhrimi,” arírãcoma. Ìgure umupeobirãpũ ñero warãcoma. Erãre òpa àhraa Goãmũ yare erã gojarapũgue:

Ihĩ Cristo utãye iro dopa ta Goãmũ beyedigũ àhrimi. Ìgũ Goãmũ beyedigũ árĩquerecũ masa ïgure gamesome. Ìgure gamebiriqerrecũ Goãmũ ïgure opũ acumi árípehreräre dorebure, arí gojañuma.

<sup>8</sup> Õ sãre arãa Goãmũ yare erã gojarapũ:

Ïgũ utãye iro dopa árigũre gamebirã dederea warãcoma, arĩ gojañuma iribojequere.

Eropa gojarã Jesucristore masa gamebirurire òpa arĩ gojamũhtañuma. Erã ïgũre gamebirã Goãmũ ya buherire yuhribirima. Cristore gamebirã, ïgũre tarinũgarã, Goãmũ pohrogue ejasome erã. Erã eropa waborore apipũ Goãmũ erãre.

### **Òpa àhrima Goãmũ yarã, arĩ gojañumi Pedro**

<sup>9</sup> Mũarũ Goãmũ ïgũ beyenirã àhraa. Ïgũ mari Opũ ïgũ yarã pahia ïgũ yare itamurã àhraa mũa. Eropirã ïgũ ya curu majarã ñeri marirã Goãmũ yarã ta àhraa mũa. Eropigũ mũare naitãaro áribonirãre boyoropũ árimorãre, ñerire iibirimorãre, òaripũre iimorãre aĩdigũ árĩmi mũare. Eropa ta aĩdigũ árĩmi Goãmũ mũa ïgũ òarire ïgũ òaro iirare gajirãre weremorãre. <sup>10</sup> Ero coregue duhpimorã áribirimũriribũ mũa. Dohpague tamerare Goãmũ yarã àhraa mũa. Ero core mũare mojomoro ïabupũ marinimi mũare dohpa. Dohpaguepũre mũare Goãmũ mojomoro ïagũ àhrimi.

### **Goãmũ yare iirã árĩque mũa, arĩ gojañumi**

<sup>11</sup> Yũ mahirã, mũa i mũmũre wari masa iro dopa àhraa dohpague. Goãmũ pohro wamorã ta àhraa. Mũa eropa árĩrã árĩcũ, ire turaro werea mũare: Mũa ñeri uaribejarire iibiricãque. Iri ñerire uaribejarã, ñerã warã ica mũa. <sup>12</sup> Goãmũre gamebirã watope árĩrã òaro iirã árĩque mũa gũare werewũari arĩrã. Mũa eropa iirã árĩcũ mũare dohpague ñero werewũadiaquererã mũa òaro iirire masirãcoma erã. Eropa masirã erã Goãmũre “Òagũ, turagũ àhrimi,” arĩrãcoma. Òpa ta arĩrãcoma Cristo ïgũ i yebague ïgũ dujaricũ.

<sup>13</sup> Mari Opũ yare iirã árĩrã ò majarã oparã sãre yuhrique mũa. I yeba majagũre mũa árĩpehrerã tauro opũ árigũre ïgũ sãre yuhrique. <sup>14</sup> Goãmũ erã oparãre apipũ tarinũgarãre dipuwaja moamorãre. Eropigũ òaro iirãre “Òaro iibũ mũa,” arĩdoregũ apipũ erãre. Ïgũ eropa apicũ erãre yuhrique mũa. <sup>15</sup> Mũa òaro iicũ ïarã, pee masibirã erã sihajaro mũare weresãdiaquererã ta weresãmasibeama. Eropigũ mũa òaro iicũ gahmemi Goãmũ.

<sup>16</sup> Mũa ñecu sũmarã árĩricũri doca árĩnirãre Goãmũ mũare taidigũ árĩmi. Eropa taunirã árĩquererã ta, “Gũare doreri mara. Eropirã gũa ñerire iirãca,” arĩ pepibiricãque ñerire iiri arĩrã. Eropirã “Goãmũ pohro majarã àhraa gũa,” arĩ pepique mũa. Eropa arĩ pepirã ïgũ dorerire iique mũa. <sup>17</sup> Árĩpehrerã masare mahi umupeoque. Mari acawererã Jesu yarãre mahi umupeoque. Goãmũre gũhyadiaro ïaque. I yeba majagũ opũ sãre umupeoque.

### **Cristo ñero tarigũ ïgũ yujuro bojediro dopa ta yujuro bojeque mũa sã, arĩ gojañumi Pedro**

<sup>18</sup> Mũa pohro majarãre weregũ iiaa dohpague. Mũa òaro umupeori mera mũa oparãre yuhrirã árĩque. Òarã, mũare òaro iirã mera dihtare yuhrirã áribiricãque.

Mua mera guarã sãre yuhrique mua. <sup>19</sup>Mua ñero iibiriquerecũ, muare erã dipuwaja moabocoma. Erã eropa dipuwaja moarare Goãmũ ãgu gamero dopa ta irire mua yujuro bojecũ “Ôaro iiabũ mua,” arĩgucumi Goãmũ muare. <sup>20</sup>Mua ñero iira wajaru erã muare dipuwaja moasũcũ irire mua yujuro bojequerecũ Goãmũ “Ôaro iiabũ mua,” arĩsome. Mari ôaro iiquererã erã dipuwaja moasũcũ irire mari ôaro mera guaro mariro árĩcũ yujuro bojecũ Goãmũ marire ôaro ihasuagucumi. <sup>21</sup>Eropa iimorãre ãgu yarã árĩdoremi Goãmũ muare. Cristo sã mua ya árĩburire ñero tarimi mua ãgure iħacũboro dopa. <sup>22</sup>ãgu ne ñero iibirimi. Eropĩgu ne gũyabirimi. <sup>23</sup>ãgure turicũ, ãguru erãre ne turi gamebirimi. ãgure erã ñero iiquererã ta “Muare ñero iigura,” ne arĩbirimi ãgu. Eropĩgu “Ahũ queoro dipuwaja moagu aħrimi. ãgugue amugucumi,” arĩ pepĩnumi ãgu. Eropirã mari sãre ãgu iidiro dopa ta iiro gahmea. <sup>24</sup>ãgu Cristo ãgu basi crusague mari ñeri dipuwaja sĩrimi. Eropa sĩrimi dipaturi mari ñerire iibiriboro dopa, Goãmũ gameripũre mari iiboro dopa. ãgu ñero camicũmi marire peamegue wabonirãre marire taricũ iibu. <sup>25</sup>Oveja erã dedereboro dopa ta mua sã peamegue dederebonirã árĩribũ. Dohpaguepũre Cristore umupeorã ãgu yarã wahabu pare. Eropĩgu ovejare iħadibugũ iro dopa Cristo muare iħadibumi. Mua siporã mera dederebiriborore ôaro iħadibumi.

### Mojoto dirirãre ôpa iiro gahmea erãre, arĩ gojañumi Pedro

**3** <sup>1</sup>Eropĩgu pohro majarãre yũ dorediro dopa ta mua marasã nomere doregura. Mua mararu sũmarãre ôaro yuhrique erã Goãmũ buherire erã gameboro dopa. Yujurãyeri mua mararu sũmarã Goãmũ buherire gamebirã aħrima. Erãre mua yuhricũ iãrã Goãmũ ya buherire gamebocoma erã. Eropirã iri buherire mua erãre werebiriquerecũ ta ãgu yare gamebocoma erã. <sup>2</sup>Eropa ta gamebocoma mua erãre ôaro iirire, mua umupeori sãre iãrã. <sup>3</sup>Mua nome, mua poarire wũapuwea seapatanirã nome, oro dari bũyanirã nome, ôari suhri sañanirã nome árĩdiarire guñabiricãque mua. Mua ya dũru masare iħasuacũ iibiricãque. <sup>4</sup>Eropa iibirã ôpa iique. Mua pepiri ôaro árĩcũ guñaque. Eropirã mua guhyadiarã nome iro dopa gajirãre nijiyajaro mera iirã nome árĩque. Guhyadiaro mera weretamurã árĩrã ipũre masare iħasuacũ iique. Iripũ peħresome. Iri ôatariari aħraa Goãmũ iacũ. <sup>5</sup>Ôpa ta iimurĩnuma iribojegue majarã nome Goãmũ yarã nome. Erã nome Goãmũre umupeorã nome árĩrã, erã mararu sũmarãre ôaro yuħrimurĩnuma. <sup>6</sup>Eropa Sara igo marapũre Abrahãre ôaro mera yuħrimurĩnumo. Eropigo ãgure “Opũ,” arĩ piyumurĩnumo. Eropirã mua ôaro iirã nome árĩrã, gũiri marirã nome árĩrã, Sara árĩdiro dopa aħraa mua. <sup>7</sup>Ôpa ta mua mararu sũmarã sã mua marapo sãre ôaro iique. Erã nome mari mũma iro dopa turarã árĩbeama. Eropirã umupeori mera ôaro iique erã nomere. Goãmũ árĩpeħrerinuri ãgu mera mari árĩniguiborore ãgu muare odiro dopa ta ogucumi erã nome sãre. Erã eropa árĩmorã árĩcũ erã nomere ôaro iique. Goãmũre mua serẽrĩre ãgu yuħriboro dopa erã nomere ôaro iique mua.

**Õaro erã iiquerecũ ta gajirã erãre erã ñero iirire werepũ Pedro**

<sup>8</sup>I mera weretugura: Mũa áripehrerã yujuro mera õaro áriique. Eropirã mũa mera majarãre õaro mojomoro iarã áriique. Mũa acawererã Jesu yarãre pepũri majarã game umupeoque. Eropirã õaro iique erãre. Eropirã “Gajirãre masitaugu ãhraa,” arĩ pepibirã erã gamero dopa ta iique. <sup>9</sup>Gajirã mũare erã ñero iicũ erãre ñero ii gamebircãque. Mũare erã turicũ erãre turi gamebircãque. Mũare erã eropa iiquerecũ ta õaro iique erãre. Eropirã õaro yuhrique erãre. Iirire iimorãre ta apimi Goãmũ mũare õaro iibu. <sup>10</sup>Eropa ta ãhraa Goãmũ yare erã gojarapũ:

Mũa õaro mucubiriri mera árdiarã ne ñero wereniguibircãque. <sup>11</sup>Áripehreri ñeri iirire duhcãque. Ôaripũre iique. Game mũa basi ihaturiro mariro áriique. Iirire turaro iique. <sup>12</sup>Ôarãre mari Opũ eropa ihadibuniguicãgu iimi. Eropigu ãgũre erã serẽrire eropa peeniguicãgu iimi. Ñero iirãpũre ãgu gamebeamĩ, arĩ gojañuma Goãmũ yare gojarapũgue.

<sup>13</sup>Ôarire mũa turaro iidiacũ gajirãpũ mũare ñero iidiaquererã ta ne yujuro bojesome. <sup>14</sup>Õaro mũa iiquerecũ ta mũare erã ñero iicũ ãagu Goãmũpũ mũare õaro iigũcumi. Eropirã mũare ñero iidiarãre, “Mũare wejẽrãca,” arĩrãre guibircãque. Eropirã bujawerebircãque. Iirire pee guñaricubircãque. <sup>15</sup>Eropirã mũa Cristore “Gũa Opũ áhrimi,” arĩ pepirã, umupeoque ãgũre. Eropirã Cristore mũa umupeorire, Goãmũ mera mũa áriborore, gajirã mũare serẽpibocoma: Erã mũare serẽpiboro core erãre yuhriburire õaro guñayuque. Eropa erãre yuhrirã nijiyajaro mera, õaro umupeori mera wereque erãre. <sup>16</sup>Ôarã áriique. Eropirã “Ñerire iiaa,” arĩ pepisome mũa. Eropirã Cristo yare mũa õaro iirã áricũ gajirã mũare ñeri quere moarã guhyasiuro warãcoma. <sup>17</sup>Ñerire mari iira dipuwaja mari ñero taricũ õabeaa marire. Eropero Goãmũ gamecũ õarire mari iira dipuwaja mari gajirã mera ñero taricũ õapũrica iri tamera.

<sup>18</sup>Eropa ta ñero tarimi Cristo. Yujusubu ta áripehrerã ñeri dipuwajare sĩrimi ãgu. Ôagu árimi. Eropa áriũgũ ñerã mari áricũ mari ya áriborore ñero tarimi ãgu. Ñero tarimi ãgu Goãmũ yarã mari wacũ iibu. ãgu sĩria wami. Eropa sĩriquerecũ ta ãgu siporã ojocariyoro. <sup>19</sup>Eropigu ãgu siporã mera sĩrinirã mũa erã dipuwaja moaburire corerã erã pohrogue Goãmũ yare werepũ erã siporãrire. <sup>20</sup>Erã mũrapũ iribojegue Goãmũre yuhribirimũriñuma. Irisubuguere Noé ãgu áriřasubuguere, wũadiru dohodirure dohogu iĩñumi. Iirirure ãgu dohorisubu Goãmũre yuhribirinirã mũa erã yuhricũ gamerĩñumi. Eropigu erã yuhriborore yoari boje dipuwaja moabigu corerĩñumi Goãmũ. Yuhribirimũriñuma. Eropigu erãre dipuwaja moañumi. Eropirã bajamerãgã ocho dihta dia miririñere tariwereñuma. <sup>21</sup>Miricũ erã taridiro dopa ta marire wãyecũ peamegue wabonirãre mari tariborore ihmua. Deco mera marire wãyecũ mari dũpũre mari guhřarire tu coero dopa áribeaa. Marire wãyecũ ñeri marirã mari áriborore Goãmũre mari serẽa. Eropirã Jesucristo ãgu masa mũriara mera peamegue wabonirã taria mari. <sup>22</sup>ãgu Jesucristo mũmarogue wadi árimi Goãmũ mera dorebu. Eropigu ãgu anyua tauro, mũmaro majarã oparã tauro, áripehrerã dorerã tauro erãre doregu áhrimi.

**Cristo yarã árirã òarire gohrotonirã árirãca, arí wereñumi**

**4** <sup>1-2</sup>Mari ñero tarirã mari ñero iirire duhucãa mari. Eropa duhucãrã mari dipaturi mari ùaribejarire iibeaa. I yeba mari áríropê Goãmũ gamerire iiniguirãca. Eropirã Cristo ïgu ñero tarigu ïgu güibiridiro dopa ta mua sã ñero tariborore güibiricãque. <sup>3</sup>Iribojegue Goãmũre gamebirã erã ñerire ùaribejadiro dopa ta iimuriyoro mua. Guhyasíriro mariro ñerire iirã, ñeri ùaribejarire iirã, mereri bosenuri iirã, Goãmũ dorerire tarinugarã, goãmarã wéanirãpũre umupeorã iimuriyoro. Eropirã iripêta iri ñerire iipurumujucãque pare. <sup>4</sup>Eropirã erã mũraro ta iirãpũ mua dohpaguere iri ñerire erã mera iibiricũ ïarã erãpũ ïha ùca wahama. Eropirã erã mũapũre ñero wereniguirã, querere goroweoma. <sup>5</sup>Erã eropiicũ ïagu erã ñeri iirare Goãmũpũ serêpi ïagu, weretaridoregũcumi erãre. ïgu ojocarirãre, sîrinirã sãre beyebu àhrimi. <sup>6</sup>ïgu eropa beyebu árigũ erã sîrinirãpũre òari buherire werepũ Goãmũ mera erã òaro árinigüborore. Eropirã i yebare erã árípehrerã masa iiro dopa sîrinirã áríquerecũ Goãmũ ïgu mera erã òaro árinigüborore werepũ erãre.

<sup>7</sup>Pehreburinũ merogã duhyaa. Eropirã òaro pee masirã árique. Eropirã Goãmũre serênigüicãque. <sup>8</sup>Gajirãre mari òaro mahirã baja gajiropa erã marire ñero iiquerecũ ta eropa ïacãa mari. Eropirã mua mera majarãre burigã umupeo mahinigüicãque. <sup>9</sup>Mua mera majarãre mucubiriri mera mua ya wirigüe ñajaridoreque. <sup>10</sup>Goãmũ ïgu yarã nũcũre ïgu yare mua mohmemasiburi nũcũre apimi. ïgu eropa apicũ mua iimasiro dopa ta mua mera majarãre irire òaro itamuque. Goãmũ mua nũcũre mua ïgu yare mohmemasiburi nũcũre apimi. ïgu apirañe mera gajirãre òaro itamurã, Goãmũ ïgu apidiro dopa ta òaro iirã iiaa mua. <sup>11</sup>Eropirã mua òaro wererã árirã, Goãmũ ïgu werebodiropã dopa ta òaro wereque mua sã. Masare itamurã árirã, Goãmũ ïgu apira turari mera gajirãre itamuque. Árípehreri mua iira nũcũ Goãmũre masa erã umupeoboro dopa irire iique. Jesucristopũ mua irire iicũ itamugucumi. ïgure árípehrerinuri umupeoque. “Òagu, turagu àhrimi,” aríro gahmea árípehrerãre. Eropa ta aríporo.

**Jesu yarã erã áriri dipuwaja erã ñero taririre were gojañumi Pedro**

<sup>12</sup>Yũ mahirã, dohpaguere ñetariaro tarirã, “Gajiropa aríro wãca yũre,” arí guña iibiricãque. Mucubirã árique. <sup>13</sup>Bujawerebirã ta mucubirãpũ árique. Eropirã “Cristo ïgu ñero taridiro dopa ta gua sã eropa ta wahaa,” arí mucubirique mua. Eropa mucubirã Cristo ïgu òarire ïgu ïhmugũ dujaricũ mua turaro mucubirãca. <sup>14</sup>Cristo yarã mua áriri dipuwaja gajirã mũare erã turicũ Goãmũ ïgu Espíritu Santo ïgu òagu mua mera árigũ iimi. Eropirã òaro mucubirã ãhraa mua. <sup>15</sup>Eropirã masare wejẽra waja dipuwajacũrã, yajara waja dipuwajacũrã, ñero iira waja dipuwajacũrã, gajiropa arí goroweora waja dipuwajacũrã áribiricãque. Iri dipuwaja mua ñero taricũ ñehe ãhraa. <sup>16</sup>Cristo yarã mua árira wajapũ ñero taricũ õhaa. Eropirã Cristo yarã mua árícũ ïha

ñero iima mũare. Erã eropiicũ ɢũhyasĩribiricãque. Ñero tariquererã ta Cristo yarã mũa áriĩre mucubirĩã, Goãmũre “Õhaa,” arĩ umupeoque mũa.

<sup>17</sup>Goãmũ ìɢũ yarã erã iirare ìɢũ beyerisubu áriĩro iiaa dohpaguere. Áriĩpehrerã mari ìɢũ yarã mari iirare ìha serẽpimũhtagũcumi. ¿Eropa marire serẽpimũhtagũ dohpa iigũcuri ìɢũ yarã áriĩbirãpũre mũa pepicũ? Ìɢũre yũhribirinirãpũre turaro dipuwaja moagũcumi. <sup>18</sup>Eropirã õarã ìɢũ yarã eropa ñero tarira pũhrũ Goãmũ erãre tau erãre ìɢũ pohro aĩagũcumi. Goãmũre gamebirãpũ ñetariaro tarirãcoma. Eropirã dederea wa peamegue warãcoma. <sup>19</sup>Eropirã Goãmũ ìɢũ gamecũ mũa ñero tarirã áriĩã, õarire mũa iirare duhubiricãque. Eropirã mũare ìhacũnugudigũre mũare ne duhubigũre ìɢũre umupeoro gahmea. “Yũre ìhadibugũcumi,” arĩro gahmea.

### Jesu yarã erã iiborore were gojañumi Pedro

**5** <sup>1</sup>Dohpaguere mũare Jesu yarã oparãre wereɢura: Yũhũ Jesu yarã opũ ãhraa. Mũa sã erã oparã ta ãhraa. Mũare yũ iro dopa oparã áriĩrãre ire werebu iiaa yũhũ: Cristo ìɢũ ñero tarirare ìadigũ áriĩɢũ, mũa mera umarogue Cristo mera õaro áriĩnguibu áriĩɢũ ire mũare wereɢura: <sup>2</sup>Goãmũ yarã oveja iro dopa ãhrima. Mũaɢũ ovejare ìhadiburã iro dopa ãhraa. Eropirã Goãmũ mũare ìɢũ apinirãre ìɢũ yarãre õaro ìhadibuque mũa. Eropirã Goãmũ ìɢũ gamediro dopa ta õaro siporãcuri mera erãre ìhadibuque. Eropirã erãre ìhadiburã “Niyerure wajatarãca,” arĩ pepibiricãque mũa. <sup>3</sup>Eropa ìhadiburã erãre pũriro mera dorebirabiricãque. Eropirã õaro iique mũa Jesu yarã mũare erã ìhacũboro dopa. <sup>4</sup>Mũa eropa iirã Cristo marire áriĩpehrerãre ìhadibugũ ìɢũ dujaricũ ìɢũ mũare õarire oburire oparãca. Iri mũa opaburi ne pehesome. <sup>5</sup>Erãre yũ dorero dopa ta mũa mamarã sã erãre mũa oparãre yũhrirã áriĩque. Eropirã mũa Jesu yarã áriĩpehrerã game yũhri áriĩque.

“Õatariagu ãhraa,” arĩ pepirãre Goãmũ gamebeami. Gajirãre umupeorãpũre

“Bu áriĩã ãhraa,” arĩ pepirãpũre õaro mahi itamumi ìɢũ, arĩ gojara ãhraa.

<sup>6</sup>Eropirã Goãmũ turagũpũre mũare dorecũ yũhriique. Eropirã mũa basi “Yũ õagu ãhraa,” arĩ pepibiricãque. Mũa eropa õarire iicũ ìagu Goãmũ ìɢũ queoranũ áriĩcũ masa ìhuro mũare “Õarã ãhrima,” arĩ ìhmugũcumi. <sup>7</sup>Ìɢũ mũare wũaro pepi ìhadibumi. Eropirã ìɢũre guñaturarã, ne wũaro bujawere guñaricubiricãque mũaɢũ.

<sup>8</sup>Mũare ìhaturigũ watĩ yee guagu ìɢũ ehma baro iro dopa ta ãhrimi. Mũare ñero iidoreɢũ goroweodiami. Eropirã pee masi áriĩque. <sup>9</sup>Áriĩpehrerogue sãre gajirã Jesu yarã eropa dihta teboricũma watĩ goroweodiari mera. Irire masirã ìɢũre yũhribiricãque. Eropirã Cristore umupeorã turaro guñaturaque mũa. <sup>10</sup>Mũa i yeba áriĩrisubu dihta watĩ ñero iidorediaro mera teboricũrãca. Merogã ãhraa. Pũhrũ mũa Jesucristo pohro áriĩã, mũare õarã turarã áriĩcũ iigũcumi. Eropigũ mũa sijnajarã õaro áriĩcũ iigũcumi mũare. Ìɢũ Jesucristo iira mera áriĩpehrerinũri umũsigue mũa õaro



árĩborore mũare apigũcumĩ. Ĩũ Goãmũ ãhrĩmi árĩpehrerãre mojomoro ĩagũ.  
 11 Eropĩrã mũũri mũũũ “Ĩũ turagũ ãhrĩmi,” arĩ umũpeorã ĩgũre. Eropa ta iirã.

### Õadoretuñumi Pedro

12 ĩpũgãre miripũgãre yũ mũare gojabeocũ Silvanopũ yũre gojabasami. Silvano Jesu yagũ yũ acaweregũ Jesure duhubĩgũ ãhrĩmi yũ pepicũ. Mũare õaro werediaa. Eropĩgũ “I buheri diaye ta Goãmũ mũare ĩgũ mahiri buheri ãhraa,” arĩ weregũ mũare ipũre gojabeoa. Eropĩrã i buheri mera sĩporã turarã árĩque mũa.

13 Mũare ĩgũ beyediro dopa ta Jesu yarã Babilonia majarã sãre beyedigũ árĩmi Goãmũ. Erã mũare õadorema. Marco sã yũ magũ iro dopa árĩgũ sã mũare õadoremi. 14 Mũa mera majarãre bocatĩrĩrã õaro mera mojoto ñeaque.

Árĩpehrerã mũare Jesucristo yarãre gũa õadorea. Eropa ta árĩque. ĩripẽta ãhraa.